



INVESTITSIYALARNI KENG JALB ETISH VA EKSPORTNI OSHIRISH MAMLAKAT IQTISODIYOTI BARQARORLIGI VA NATIJADORLIGINI TA’MINLAYDI

Prezident Shavkat Mirziyoyev raisligida 16-yanvar kuni investitsiyalarni keng jalb etish va eksport hajmini oshirish borasidagi ishlar natijadorligi hamda kelgusidagi asosiy vazifalar muhokamasi bo'yicha videosektor yig'ilishi bo'lib o'tdi.

Mamlakatimizdagi ochiqlik, kuchli investitsiya siyosati natijasida iqtisodiyot barqaror o'sib kelyapti. Xususan, 2024-yilda yalpi ichki mahsulot 6,5 foizga oshib, 115 milliard dollarga yetdi. Xorijiy investitsiya 1,6 barobar o'sib, qariyb 35 milliard dollarni tashkil qildi. Qiymati 10 milliard dollarlik 242 ta yirik va o'rta loyihalar ishga tushdi. Eksport ilk bor 27 milliard dollarga yetdi.

O'tgan yili tog'-kon, neft-gaz, kimyo, qishloq xo'jaligi sohasida investitsiya 2 karra oshgan. 50 ta tumanga 100 million dollardan ko'p sarmoya kirib kelgan.

Tanqidiy ruhda o'tgan yig'ilishda sohadagi qo'loqliklar atroficha tahlil qilindi.

To'qimachilik sanoati, “O'ztransgaz”, “O'zmetkombinat”, “O'zsvuvtaminot” tizimida investitsiya ko'rsatkichlari pasaygan. Ekologiya, Qishloq xo'jaligi, Raqamli texnologiyalar, Transport, Qurilish, Sog'liqni saqlash, Sport, Madaniyat, Oliy ta'lim, Maktabgacha va maktab ta'limi vazirligi olib kelgan investitsiya va grantlar imkoniyatga yarasha emas.

Ayrim tuman hokimlari investitsiya va eksport masalasini o'z holiga tashlab qo'ygan ko'rsatib o'tildi. Jumladan, Beruniy, Qorao'zak, Qo'ng'iro't, Peshku, Yangiobod, Qamashi, Xonqa, Shovot, Romitan, Dehqonobod, Mirishkor, Chiroqchi, Narpay, Nurobod va Guliston tumanlari hamda Ohangoran shahri hokimlariga hayfsan e'lon qilindi. Faoliyatida jiddiy kamchiliklarga yo'l qo'ygan uchun Sirdaryo viloyati hokimi Akmaljon Mahmudaliyev lavozimidan ozod etildi.

Yig'ilishda investitsiya va eksport bo'yicha bu yilgi asosiy vazifalar belgilandi.

Avvalo, bu masala hududlar kesimida ko'rib chiqildi. 27 ta tumanda investitsiya hajmi 200 million dollardan oshishi hisob-kitob qilindi. Lekin 10 ta tumanda reja 40 million dollarga ham yetmaydi. Mutasaddilarga ushbu tumanlarda yangi loyihalarni shakllantirib,

investitsiyani ko'paytirish bo'yicha topshiriq berildi.

Mablag'larning samaradorligiga alohida to'xtalib o'tildi. Masalan, so'nggi yetti yilda kiritilgan 120 milliard dollar investitsiya hisobiga 6 mingdan ortiq korxonaga ishga tushgan. Tahlil qilinsa, har 1 ming dollar investitsiya yiliga o'rtacha 530 dollar qo'shilgan qiymat yaratyapti. Bu ko'rsatkich tog'-kon sanoatida 700 dollarga yetgan.

Lekin neft-gaz, metallurgiya va qurilish materiallari sohasida investitsiya samaradorligi nisbatan past. Hududlardan esa Sirdaryo, Buxoro va Qoraqalpog'istonda shunday holat.

Yangi ochilgan 92 ta korxonada uskunalar ishlatilmay turgani uchun kreditlar qaytishi kechikayapti. 105 ta tadbirkor olib kelgan uskunalar bo'xona omborlarida turibdi.

Prezident investitsiyaning samaradorligini oshirish hudud va tarmoq rahbarlarining asosiy vazifasi bo'lishi kerakligini ta'kidladi.

— Bu iqtisodiyotimiz o'sishiga katta turki beradi. Kafolati xarid hisobiga juda ko'p yangi ish o'rinlari yaratiladi, valyuta tejaladi va yondosh sohalarda rivojlanadi. Buni hokimlar yaxshi tushunib, har bir loyihaning “ichiga kirib”, ishini unumli tashkil qilish kerak, — dedi Shavkat Mirziyoyev.

Tadbirkorlar ishtirokida yarmarkalar o'tkazib, yangi mahsulotlarni o'zlashtirish, yirik investitsiya loyihalarida mahalliy mahsulotlar ulushini ko'paytirish bo'yicha ko'rsatmalar berildi.

Mamlakatimizda tadbirkorlar sinfi kengayib, xalqaro doiraga chiqmoqda. Ilg'or korxonalarimiz chet eldan to'g'ridan-to'g'ri mablag' olib kelishni boshladi. Buni qo'llab-quvvatlash maqsadida Prezident farmoni bilan Savdo-sanoat palatasida Tadbirkorlarga tashqi moliya bozorlariga chiqishga ko'maklashish markazi tashkil qilindi. Endi bundan foydalanib, ko'proq tadbirkorlar xorijdan mablag' jalb qilishga o'rgatilishi aytiladi.

Bu yil xalqaro moliya institutlari hisobidan 5 milliard 200 million dollarlik ishlar rejalashtirilgan. Ularni o'z vaqtida amalga oshirish uchun Bosh vazir boshchiligidagi favqulodda shtab tashkil qilinishi belgilandi.

Yevropa tiklanish va taraqqiyot banki bilan 1 milliard 100 million dollar, Islom taraqqiyot banki bilan 1 milliard dollarlik loyihalar ko'zda tutilgan. Mutasaddilarga ushbu banklar bilan davlat kafolatsiz loyihalarni ko'paytirish, mablag' jalb qilishda tadbirkorlarga ko'maklashish topshirildi.

Investitsiya samaradorligining ko'rsatkichlaridan biri — eksport. Masalan, erkin iqtisodiy zonalarda korxonalar kiritgan sarmoyasiga qarab, imtiyoz o'lyapti. Bu tannarxni pasaytirish, eksportga chiqishga xizmat qilishi kerak.

O'tgan yili 22 ta erkin iqtisodiy zonadagi 589 ta korxonaga 42 trillion so'mlik mahsulot ishlab chiqarilgan. Lekin tovarlarning atigi 18 foizi tashqi bozorlarga sotilgan, 372 ta korxonaga umuman eksport qilmagan.

Shu bois, endi faqat eksportga ishlaydigan erkin iqtisodiy zonalar tashkil etilishi ta'kidlandi. Ularda xorijiy brendlar bilan yuqori qiymatli, tashqi bozorlarda talabgi mahsulotlar ishlab chiqariladi. Shulardan birinchisi Namangan viloyatida, 30 gektar maydonda to'qimachilik yo'nalishida tashkil etiladi.

Yana bir yangi yondashuv — o'tgan yili 12 ta texnopark xorijiy korxonalar boshqaruviga berildi. Hozircha ularga 2,5 milliard dollarlik 27 ta loyiha joylashtirilgan. Bu tajribani kengaytirib, xorijiy kompaniyalar ishtirokida yana bir nechta texnoparklar tashkil qilish taklifi bildirildi.

Bu yil eksportni 30 milliard dollardan oshirish mo'ljallanmoqda. Masalan, elektrotexnika kabi tarmoqlarda eksportni 2-3 karra ko'paytirish imkoniyati bor.

Shu bois, bu ikkita drayver tarmoqni

rivojlantirish, eksportga ishlayotgan korxonalarni har tomonlama qo'llab-quvvatlash choralari ko'riladi.

Xususan, eksportchilarni aylanma mablag' bilan ta'minlash uchun alohida faktoring tashkiloti ochilib, unga 100 million dollar ajratiladi. Korxonalarni xalqaro sertifikat talablariga moslashtirish xarajatlarining 20 ming dollargacha qismi qoplab beriladi. Rivojlanish va tadqiqot markazlari (R&D) uchun olib kelinadigan laboratoriya jihozlari bo'xona bo'ylaridan ozod qilinadi. Xalqaro marketpleyslar orqali mahalliy mahsulotlarini targ'ib qilish uchun 2 million dollar yo'naltiriladi.

Mutasaddilarga tashqi bozorlardagi imkoniyatni tahlil qilib, uch yillik eksport strategiyasini ishlab chiqish vazifasi qo'yildi.

Paxta yetishtirish va qayta ishlashda ham qo'shimcha bozor mexanizmlari joriy qilinadi. Shu yildan boshlab klasterlar paxtaga talabi va narx taklifini birjaga qo'yadi, fermerlar esa o'ziga ma'qulini tanlab, fyuchers shartnomasini tuzadi. Imtiyozli kredit olmay, o'zi paxta yetishtirgan fermerlarga birjada sotgan paxtasining 10 foizi miqdorida subsidiya beriladi. Imtiyozli kreditni 31-dekabrgacha to'liq qaytargan fermerlarga kreditning 4 foizi qaytarib beriladi.

Shuningdek, qishloq xo'jaligi mahsuloti yetishtiruvchi tomorga egalari mahalla banklariga mijoz bo'ladi.

Yig'ilish yakunida davlatimiz rahbari jahonda investitsiya va bozorlar uchun raqobat keskinligini yana bir bor ta'kidlab, mutasaddilarga ischanchlik va natijadorlikni oshirish talabini qo'ydi. Bu borada nazorat va so'rov qattiq bo'lishi ko'rsatib o'tildi.

Bosh vazirga bu yilgi 42 milliard dollar xorijiy investitsiya bo'yicha oyma-oy reja tasdiqlab, ijrosini ta'minlash topshirildi.

Yig'ilishda vazirlar, tarmoq rahbarlari va hokimlarning axboroti eshitildi.

O'ZA

Munosabat



O‘ZBEKISTON – BAA: “YASHIL” ENERGETIKA SOHASIDAGI MANFAATLI HAMKORLIK SARI

O‘zbekiston Respublikasi Prezidenti Birlashgan Arab Amirliklariga rasmiy tashrifi doirasida “Abu-Dabi barqaror rivojlanish haftaligi” sammitida nutq so‘zlagi.

Davlatimiz rahbari tez sur'atda o'sib borayotgan iqtisodiyotimizning energetikaga talabini to'liq ta'minlash uchun O'zbekiston “yashil” quvvatlarini jadal rivojlantirayotganini ta'kidladi. O'tgan 5 yilda energetika sohasiga qariyb 20 milliard dollar xorijiy investitsiyalar jalb qilingani va 9,6 gigavattli zamonaviy energiya quvvati ishga tushirilganiga e'tibor qaratdi.

“Yashil” energetika sohasida BAA — ishonchli va strategik hamkorimiz. So'nggi yillarda Amirliklar ishtirokidagi investitsiyalar portfeli 26 milliard dollardan oshdi. Ular orasida qayta tiklanuvchi energetika loyihalari asosiy lokomotiv ekani qayd etildi.

Davomi 2-beta

“YASHIL” UNIVERSITET ekologik muammolar va ularning yechimi bilan shug'ullanadigan ilmiy tahlil markazi bo'ladi

Davlatimiz rahbari Birlashgan Arab Amirliklari Prezidenti Shayx Muhammad bin Zoid Ol Nahayonning taklifiga binoan shu hafta mazkur mamlakatda bo'ldi, “Abu-Dabi barqaror rivojlanish haftaligi” sammitida ishtirok etdi.

Qayd etish kerakki, bugungi kunda energetika manbalarini diversifikatsiya qilish, ularning balansida uglevodorod ulushini keskin kamaytirish — iqlim o'zgarishi

oqibatlarini yumshatish, barqaror rivojlanish va global xavfsizlikni ta'minlashning asosiy sharti hisoblanadi.

Davomi 2-beta

Har davr va jamiyatda kambag'allik bo'ladi. Uni butunlay tugatishning imkoni ham yo'q. Lekin shunisi aniqki, xalqini, kelajagini o'ylagan mamlakat kambag'allikka qarshi kurashadi. Jamiyatning og'riqli nuqtasi bo'lgan ushbu qatlam vakillari ko'payib ketmasligining oldini olishga harakat qiladi. Buning uchun maxsus hujjatlar, dasturlar qabul qilinib, tashabbuslar ilgari suriladi.

SHAROITNI IMKONIYATGA AYLANTIRIB, KAMBAG'ALLIKKA BARHAM BERAYOTGAN MAHALLA



Kambag'allikning asosi ishsizlik. Shu bilan birga, unga qarshi kurashishning chora va usullari ham turlicha bo'lishi mumkin. Xalq farovonligiga qaratilgan O'zbekiston siyosatida ijtimoiy masalalar qatorida odamlar bandligiga katta e'tibor berilayotgani o'z samarasini ko'rsatmoqda. Buning uchun xalq bilan yuzma-yuz bo'lib, odamlar dardu tashvishlari eshitiladi. Muammolar o'rganilib, ularning yechimlari qidirilib, zarur choralar qilinib beriladi.

Hayot bir tekis kechmaydi. Turmushning turli sinovlari bor. Ba'zida insonga dalda, tasalli berilsa, o'zini tutib oladi. O'zgina ko'mak berilsa-ku, yanada tashvishga loyiq: y yaxshi loyihaga qo'l urib, boshqalarga o'rnak bo'ladigan tashabbuskor shaxsga aylanishi mumkin.

Davomi 4-beta

Davlat dasturi loyihasi muhokamada

BUGUN VA KELAJAK NAFASI UNI HAR KUN, HAR SONIYA HIS QILAYLIK!



Shu kunlarda Shimoliy Amerika o'rmonlari va unga tutash shaharlarda yirik yong'inlar kuzatildi. Internetda unga doir xabarlarini kuzatar ekanman, bu hodisani insoniyatning atrof-muhitga yetkazayotgan zarari uchun tabiat intiqomi, global iqlim o'zgarishining ayanchli oqibatlaridan darakchi deb xulosalayman.

Shu bilan birga, ushbu yong'in bundan ancha yillar oldingi, talabaliq paytlaridagi xotiralarni eslatadi. O'shanda xorij davlatlarida iqlim o'zgarishining salbiy oqibatlari, ularning oldini olish bo'yicha ko'rilayotgan choralar ommaviy axborot vositalarimizda yoritib borilardi. Yodimda, “Quruq vahima, shu ham gap bo'ldimi, axir bizda hammasi joyida-ku”, der edim o'zimga.

Endi o'ylab qaragam, bizda hammasi joyida bo'lmagan. Orol fojiasi va boshqa tabiiy ofatlar yetilib borayotgan ekan o'sha kezlar. Lekin ularning zarari ko'lami bugungidek bo'lmagan uchunmi yoki o'sha davrdagi paxta yakkahokimligi tufayli, har qalay bu haqda ko'p ham bosh qotirmasdik, nazarimda.

Oradan o'ttiz yil o'tdi. O'shanda quruq gap deb o'ylaganimiz biz bilan real va jiddiy muammo o'laraq yonma-yon. Iqlim o'zgarishi, havoning me'yordan ortiq isishi va ifloslanishi o'z ta'sirini ko'rsatyapti. Tabiatga bepisandligimiz, dov-daraxtlarni ayovsiz qirganimiz, suvni tejashni bilmaganimiz ayni dam bizdan o'ziga xos tarzda o'ch o'lyapti.

Keng jamoatchilik muhokamasiga qo'yilgan 2025-yilga mo'ljallangan davlat dasturi loyihasini sinchiklab o'rganar ekanman, ekologik muammolar sabab uvushgan yuragim tasalli topadi. Binobarin, loyihada ilgari surilayotgan tashabbus va maqsadlar nafaqat atrof-muhit holatini yaxshilash, balki davlat siyosatining asosiy tamoyili bo'lgan aholining hayot sifati va farovonligini oshirishga qaratilgan.

Xususan, loyihadan mahallalarning ekologik qiyofasini yaxshilash, ko'chalarda yashilik darajasini oshirish, ekologik jihatdan qulay va farovon yashash muhitini shakllantirish, tabiiy resurslarni tejash va ulardan oqilona foydalanish, ekologik

Davomi 3-beta



barqarorlikni ta'minlash kabi qator dolzarb masalalar o'rin olgan.

Dastur loyihasiga ko'ra, 2025-yilda tabiiy resurslarni tejash va ulardan oqilona foydalanish, ekologik barqarorlikni ta'minlash borasida kanallarni beton qoplamaga o'tkazib, suv tejovchi texnologiyalar qamrovini 1,6 million gektarga yetkazish, buning hisobiga yiliga qo'shimcha 2,5 milliard kub metr suvni tejashga erishilishi ko'zda tutilmoqda.



